

www.BibleForChildren.org

Matayo 26





Bikaba
bitighaaye
bilo mukaagha
Kighenu kya
Kuusuka Kusaaluw'o
kuhika, Yesu aakidha e
Bbetaniya hambali Lajaalo
oghu aahumbuuye mu bakuuye
aabaagha aakaaye. Niibuwo
Maliya aasiye akwete
cupa esemeeye, elimu
bigita bisasiye kandi bitembiye
kwonini, aabiseesela Yesu mu
bighele kandi aatandika kumulaghaliya
bighele ebi naakoleesiya esoke liye. Ti kusasa
kwa bigita ebi kwamalakaka numba egghi yoona.



Yuda Esikalyota, omui mu beeghesebuwa baa Yesu ekumi na babili, aaghenda mu bakulu baa bahongi kumughobeliyayo. Obu baaghuuye ebi Yuda oghu aabughiye baadheedhuwa, kandi baamulaghiisanija kumusasula sente. Niibuwo aatandikiye kubbala kahanda kaa kuhaayo Yesu mu bantu aba.




Beeghesebuwa aba baaghenda
baakola ngoku Yesu aabalaghiiye.
Baateekanija kiihulo kya Kuusuka
Kusaaluw'o. Obu baanaliyagha, Yesu
aakwata mugaati, aasaba naasiima
Luhanga. Aaghubhegha, aaghuha
beeghesebuwa be aba, naaghila ati,
“Mukwate, muliye, ghuni ni
mubili ghwanje.”




Obu baamaliye kuliya mugaati
oghu, aakwata kiikopo kya viini
aabaha yo, aaghila ati, “Munuwe
eni enuwe boona. Ni saghama
yanje ya ndaghaano, eghi
ekuseesuwa haabwa bakaniye,
kughaniluwa bibhi byabo.”



Yesu aaghila ati, “S̄imooni, S̄imooni, ontegheeleliye!
S̄itaani aasabiye Luhanga kumusiimilaniya
kubalengesa enuwe boona niikuwo muleke kumpikilija.
Bhaatu naabasabiye kukila munu uwe S̄imooni nti
otaleka kumpikilija, nanga bwile bukuhika okukuukilila,
bhaatu haanuma ya kuhikilija kwawe oku kutodha
kuguma, weekambiisiye
baanakyawe kutodha
kuba na kuhikilija
kugumiye.”



Peetelo aamughila ati, “Mukama wanje, neeteekaniije kughenda mu nkomo kandi kukuwa hamui naawe.”
Yesu aamughila ati, “Peetelo, obwalo mukilo nkoko atakakookiye okuba nuwaaneehighaane kasatu oti toomaniye.”



Niibuwo Yesu na
beeghesebuwa be
baaghendiye mu kiikalo
eki bakughilaghamu
Getesemaani. Aabaghila
ati, “Musitame hani,
muleke ngende hali nsabe.”
Aasaba ati, “Abba, Tita!
Uwe ogubhiye bintu byona.
Otasiima nimbona-bona ntiyo,
bhaatu kitaba ngoku mbbaliye,
kibe ngoku obbaliye.”



Nahabweki Yuda aasa ahikiiye kiigambi kya baasilikale na balemi aba bakulu baa bahongi na Bafalisaayo baatumiyeye. Bantu aba baasa bakwete maataala na maatoçi hamui na byakulwaniisiya bikaniye. Dumbi omui mu beeghesebuwa be aba aabhulayo kihiyo kiye, aajomb'o muheeleliya wa mukulu wa bahongi boona kutui kwabuliyo. Bhaatu Yesu aaghila beeghesebuwa be aba ati, "Dheka! Mutalwana!" Dumbi akwata haa kutui kwa musaasa oghu, kwakilil'o.



Abaalindagha Numba ya Luhanga baakwata Yesu
baamutwala mu ka ya mukulu wa bahongi boona.
Peetelo aaghenda abalabhiye enuma bukee-buke
hali hambali haseliyo.
Obu baakidhiye, bantu
baatumika mulilo ghwa
kwota hanjaakati ya mukulu
wa bahongi boona oghu.
Bantu baasitama,
baatandika kwota.
Niibuwo Peetelo
naye aasiye
aabasitamamu.



Omui mu baheeleliya baa mukulu wa bahongi boona, lughanda lwa musaasa oghu Peetelo aajombiy'o kutui, aamubuuliya ati, "Tanuuwe naaboone oli na musaasa oghu mu musili ghwa biti Oliva?" Peetelo aatodha eehighaana, dumbi bwile bwonini nkoko yaakooka. Dumbi Peetelo aatuwa enja, aatandika kulilila kimui.




Baamemba abaabaagha mu lukulato
olu boona baamuka, baatwala Yesu
ewaa Pilaato oghu akaba alemiye
disitulikiti ya Buyudaaya bwile obu.
Pilaato aabuuliya Yesu ati, “Nuuwe
Mukama wa Bayudaaya?”
Yesu aamukuukamu ati,
“Ee, ngoku waakabughiye.”
Pilaato aabbalagha kulekela
Yesu, niibuwo aatodhiye

aaghambila bantu aba ngoku
Yesu atali n’eki aasobeeiye.

Bhaatu bantu aba beeyongelela
kimui kugola bati, “Bamubambe
haa musalaba! Bamubambe!”




Haakumaliilila Pilaato aasiima,
aalaghila baasilikale be kubamba
Yesu. Niibuwo baasilikale baatwete
Yesu. Baaghenda bamuheekeeeye
musalaba ghuwe. Baamuکیدhiya mu
kiiikalo bakughilaghamu “Kiiikalo kya
Kahanga” (eki mu Lulamaiki
baaghilaghamu Gologota.)



Haala niiyo baamubambiiye hamui na bantu banji babili. Musalaba ghwa omui baaghuumililiya haa luhande Iwa buliyo bwa Yesu, na ghwa onji haa luhande lwabumesu, oghwa Yesu baaghuumililiya haagati.



Obu bwahikiye saaha mukaagha sya ntangaali,
musana ghwalima, mwelima ghwakwata mu ehanga eli
lyona, ghwahikiya saaha mwenda. Bwile obu bwonini,
kateni eghi ekaba edhodhookeeye mu
Numba ya Luhanga
yaatemukamu kabili.
Yesu aatakila kimui n'elaka
lyamaani ati, "Tita, mwoyo
ghwanje naaghuta mu
mikono yaawe!" Obu
aamaliye kubugha
atiyo, dumbi
aatwikana.



Hakaba aliyo musaasa omui liina
liye Yojeefu, alughiye mu tauni
ya Alimateya. Akaba ali
memba wa Lukulato
Lukulu Iwa bengei kandi
bamuhutiye.
Musaasa oghu
akaba alindiliye
bulemi bwa
Luhanga.

Obu bwahikiye
lwagholo kandi kilo
eki niikiyo Bayudaaya
beeteekanijagha haabwa
kilo kya Sabhato,
aaghenda ewaa Pilaato
atoobahiye, aamusaba
muku ghwa Yesu.



Yojeefu oghu aaghula siiti njelu
mpyaka, aaghenda aaya
muku ghwa Yesu haa
musalaba. Aaghuboha mu
siiti eghi, aaghutwala,
aaghuta mu kituulo
eki aali asanguuwe
alimiye mu kibaale
kiinamulito.

Aahilingitiya ebaale
liinamulito, aliswikila
haa munuwa ghwa
kituulo eki.



Kilo ekyalabhiy'o, haanuma ya kilo eki
Bayudaaya beeteekanijagha
haabwa kilo kya
Sabhato, bakulu baa
bahongi, na Bafalisaayo
baaghenda ewaa
Pilaato.



Baamughila bati, “Waitu, tukuusuka,
munabisubha oghu, obu aabaagha
anaakaaye akaghila ati,
‘Haanuma ya bilo bisatu
nkuhumbuuka.’”



Dumbi baat'o balindi kandi baata
kaakulolel'o haa ebaale
lineeteeye kimui
elyabaagha haa
mulyango
ghwakiyo kwoleka
ngoku balindiye
kituulo eki.



Kilo kya Sabhato eki obu kyahooy'o,
kilo Kyasande nkyambisi cui-cui
butakakeeye, Maliya
Mangadhalina na
muunakiye onji
oghu naye dhee
baaghilaghamu
Maliya, baakeelela
kughenda haa
kituulo.

Hakab'o musiki
ghwamaani
oghwadhingiiye nsi,
nanga malaika wa
Mukama
akasunduka
kulugha eghulu.



Aaghenda haa kituulo aahilingitiya
ebaale lineeteeye kimui
elyabaagha haa mulyango
ghwa kituulo eki kandi
aalisitam'o.

Abaabaagha
balindiye kituulo
eki baakala

kutukumila haabwa
kumwobaha kandi
baaba nga bantu
baakuuye.



Obu bakali aba baakidhiye haa kituulo eki, malaika oghu aabaghila ati, “Mutoobaha nanga nimanaye mukwete kubbala Yesu oghu baabambiye haa musalaba. Taali hani, aahumbuukiye ngoku aabughiye. Mwise mulole

hambali baabaagha balangaaiye muku ghuwe.”



Dumbi bakali aba baalugha haa kituulo haala boobahiye bhaatu badheedheleeuwe kimui. Baaligita kughenda kughambila beeghesebuwa baa Yesu. Bakali aba mbanaligita kulugha haa kituulo, beetulakaka Yesu naabasangaana mu kihanda.

Aabalamukiya
ati, "Mpempa!"

Baamwis'o, baamughuwa mu maghulu, baamulamuya.



Haakumaliilila, beeghesebuwa be ekum̄i n'omui
baamubona mbaliya. Aabasoghosa haabwa kubhenga
kuhikilija ebi baanakyabo abaamuboone
naahumbukiye baabaghambiiye. Obu Mukama Yesu
aamaliye kughambila beeghesebuwa be aba bintu ebi,
aatwaluwa mu eghulu, aasitama haa luhande lwa
mukono ghwabuliyo ghwa Luhanga.



Kumanya Luhanga naakundiye nsi,
akahayo Mwana wee omui enkaha,
niikuwo weena oghu akumuhikilija
atahwelekeelela, bhaatu
atunge bwomiili
butahuw'o.



Balooma 3:23

Nanga bantu boona bakasiisa, baalemuwa kuhika haa kitiinisa kya Luhanga.

Balooma 6:23

Nanga mpeela ya kibhi ni luku, bhaatu kitembo eki Luhanga akuheelagha busa, ni bwomiili butahuw'o mu Kilisito Yesu Mukama waatu.

Bahebbulaayo 9:27

Ti ngoku muntu ali na kukuwa mulundi ghumui, kandi haanuma y'eki Luhanga amutwile musango,

Beefeeso 2:8,9

Enuwe mukahikilija mwajunuwa haabwa ngughuma sya Luhanga. Eki tamwakyekoleeye enuwe bonkaha, bhaatu ni kitembo kya Luhanga. Taabaaye kiyo haabwa bikoluwa byanu, nahabweki atab'o muntu n'omui oghu akwepanka.



Balooma 10:9,10

Kaakuba waatula na kanuwa kaawe oti, “Yesu ni Mukama,”
kandi ohikilija mu mutima ghwawe ngoku Luhanga
aamuhumbuye mu bakyuye, olijunuwa.

Nanga muntu akaakuhikilijagha aahiye haa mutima,
akubaluwagha kuba ahikiliye, kandi akaakwatulagha na
kanuwa ke, akujunuwagha.

Yohaana 3:16,17

Kumanya Luhanga naakundiye nsi, akahayo Mwana wee
omui enkaha, niikuwo weena oghu akumuhikilija
atahwelekeelela, bhaatu atunge bwomili butahuw’o.
Nanga Luhanga taatumiyeye Mwana wee munsi kughitwila
musango, bhaatu niikuwo nsi egubhe kujunuwa kukwamu
mu Mwana oghu.



1 Yohaana 5:11-13

Ti buukaiso niibuwo buni, Luhanga akatuha bwomiili butahuw'o, kandi bwomiili obu buli mu Mwana wee. Weena oghu ali na Mwana, ali na bwomiili obu. Bhaatu weena oghu atali na Mwana oghu, taali na bwomiili obu. Bintu bini naabihandiikila enuwe abahikiliije liina Iya Mwana wa Luhanga, niikuwo mumanye ngoku muli na bwomiili butahuw'o.



Matayo 26-28; Luka 22-24; Yohaana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Lubwisi, Talinga-Bwisi NT (tlj) © (Active) Wycliffe
Bible Translators, Inc. All rights reserved.

<https://live.bible.is/bible/TLJWBT/MAT/1>

©2024 Bible for Children, Inc.

www.M1914.org

www.bibleforchildren.org

